

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԱՂՕՁՔԻ ՄԱՍԻՆ

Քրիստոնեան պարտի օրը երեք ա-
ռիթմերով աղօթել, առաւօտուն՝ երբ քու-
նէն արթննայ, ցաշի ժամուն, եւ գիշերը՝
քնանալու պահուն: Իւրաքանչիւր աղօթքի
ժամուն այր մարդիկ ու կտրիճ երի-
տասարդներ պէտք է 12 անգամ ծն-
րադրեն, որ կ'ընէ օրը 36 անգամ. իսկ
կիներն ու աղջիկները պէտք է 20 անգամ
ծնրադրեն, օրական՝ 60 անգամ:

Մարդ երբ արթննայ, պէտք է աղօթէ,
գոհութիւն տայ Աստուծոյ, որ զինք խա-
ւարէ լոյսի հանեց: Հաշի ժամանակ պէտք
է շնորհակալութիւն յայտնէ, որ կերակուր
տուած է, եւ ոչ թէ անասունի նման անգի-
տակցաբար վայելէ Աստուծոյ բարիքը:
Գիշերը պէտք է աղօթէ որպէսզի մութիւն
ու գիշերուան մէջ Աստուած անփորձ պա-
հէ, նաեւ գոհութիւն յայտնէ, որ օրը
խաղաղութեամբ վերջացաւ: Մի՛ ձգէք, որ
ձեր գաւակները առանց աղօթքի հաց
ուտեն կամ քնանան: Այս երեք աղօթքները
անխափան ամէն տեղ կատարեցէ՛ք. քամ-
բան, արտին ու այգիին եւ բոլոր գործե-
րուն մէջ, որովհետեւ սուրբ առաքեալը
Փիլիպպոս կանոն դրած է, թէ՛ «Ամէն այր
կամ կին կամ երիտասարդ, որ իր գործի
ժամէն դուրս առաւօտուն եւ երեկոյեան
կը խափանէ աղօթքները՝ եկեղեցի չերթա-
լով եւ ականջ չդնելով սահմանուած
կարգերուն, նզովուած ըլլայ» (Կանոն Ը):

ԵՔԷ ԿԱՍ ԵՐԲ Կ'ՈՒՉԵՍ...

**ԵՔԷ ԱՆԻՐԱՌՈՒԾ ԵՍ
ԱՐԴԱՐՈՒԹԻՒՆԸ ԿԸ ՓՆՏՈՒՄ,
Կարդա՛ Սաղմոս 35**

+++++
Ղէ՛մ դիր, ո՛վ Տէր, անոնց՝ որոնք
ինձի կ'ընդդիմանան: Կռու՛ հետը
անոնց՝ որոնք ինձի դէմ կը կռուին: Առ
գրահդ եւ ասպարդ եւ փութա, օգնէ՛
ինձի: Վերցո՛ւր նիզակդ եւ տապարդ՝
զիս հալածողներուն դէմ եւ վստահե-
ցո՛ւր զիս, ըսելով. «Քու փրկութիւնդ
ես եմ» Թող ամօթով մնան ու խայ-
տառակուի՛ն անոնք, որ իմ մահս
կ'ուզեն: Շփոթահար՝ թող ե՛տ քաշ-
լին անոնք, որ ինձի չարիք կը նիւթեն:
Տիրոջ հրեշտակը թող փախուստի
մատնէ զանոնք, ինչպէս յարդը՝ հովէն
քշուած, անոնց ճամբան խաւար ու
սայթաքուն թող ըլլայ, երբ որ Տիրոջ
հրեշտակը հալածէ զիրենք, որովհե-
տեւ առանց պատճառի ինձի համար
թակարդ լարեցին, առանց պատճառի
փոս փորեցին ինձի համար: Անսպա-
սելիօրէն թող կորուստի մատնուին,
իրենց լարած թակարդին մէջ, թող որ
իրենք բռնուին, իրենք իյնան իրենց
բացած փոսին մէջ ու կորսուին: Բայց
ես Տիրոջմով պիտի ցնծամ, իր պար-
գելած փրկութեամբ պիտի հրճուիմ
ՇԱՐՈՒՆԱԿԵԼ ՍԱՂՄՈՍԱԳԻՐՔԷՆ

Միրելի ընթերցող, ՃՐԱԳ թերթը ամէն
Կիրակի կը բաժնուի մեր ժողովուրդին,
եկեղեցիներու բանկային մօտ: Նաեւ՝
Facebook-ի վրայ փնտռել «Jerak կամ
ՃՐԱԳ», ապա սեղմել «Like»-ը, կար-
դալու կամ անդամագրուելու համար:

ՀԱՍՅԷ.

ՃՐԱԳ ՇԱՐԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,
P.O.Box 80810 -Tel/Fax:01-258300- *facebook-ի էջ jerak ճրագ թերթ*



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



**ՔՈՒ ԽՕՍԲԴ ԽՍ ՈՅԵՐՈՒՄ ԵՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ
(Ս, 119-105)**

ԺԳ. ՏԱՐԻ ԿԻՐԱԿԻ , 8 ՆՈՅՏԵՄԲԵՐ 2020 ԹԻՒ 45

**ԿԻՐԱԿԻ ՕՐԵՐՈՒ ԱՍՏՈՒԾԱՇԱՀՎԱՆ ԸՆԹԵՐՑՈՒՄՆԵՐ
Եւ. 24.1-13: Եփ. 5.15-33
ՅԻՍՈՒՄ ԶՐԻՍՏՈՍԻ ԱԽՏԱՐԱՆԸ ԸՍՏ ԴՈՒԿԱՍԻ 8.49-57**

**ԱԽՏԱՐԱՆ ԸՍՏ ԴՈՒԿԱՍԻ
8.49-57**

**Մինչ Յիսուս կը խօսէր, ժողովրդապետին տունէն մէկը եկաւ եւ ըսաւ.
«Աղջիկդ մեռաւ, այլեւս մի՛ յոգնեցներ վարդապետը»:**

Յիսուս ասիկա լսելով, ըսաւ ժողովրդապետին. **«Մի՛ վախճար, միայն
հաւատա՛ եւ աղջիկդ պիտի ապրի»:**

Երբ Յիսուս ժողովրդապետին տունը հասաւ չձգեց, որ ռեւէ մէկը ներս մտնէ՝
բացի Պետրոսէն, Յակոբոսէն, Յովհաննէսէն եւ աղջկան հօրմէն ու մօրմէն:
Ներսը գտնուողները բոլորն ալ կու լային ու կ'ողբային: Յիսուս ըսաւ անոնց.
«Մի՛ լաք. աղջիկը մեռած չէ, այլ կը քնանայ»: Անոնք զինք կը ծաղրէին,
որովհետեւ զիտէին, որ աղջիկը մեռած է: Յիսուս բոլորն ալ դուրս հանեց, բռնեց
աղջկան ձեռքէն եւ բարձրաձայն ըսաւ. **«Ո՛վ փոքրիկ, ոտքի՛ ել»:** Անմիջապէս
անոր հոգին վերադարձաւ եւ ոտքի կանգնեցաւ: Ապա Յիսուս հրամայեց, որ
ուտելիք տան աղջկան:

ՄԻ ՎԱԽՆԱՐ, ՄԻԱՅՆ ՀԱԻԱՏԱ՛

Քրիստոսի այս քաջալերական խօսքը հասկնալի եւ կիրարկելի կը դառնայ
այն իսկական Քրիստոնեայ անհատին, որ իր Քրիստոնէական կոչումը կ'ապրի
գործով եւ ոչ թէ խօսքով: Սաղմոսերգուն փորձարարը կը վկայէ ըսելով. **«Տէրն
է լոյսս եւ փրկութիւնս, որմէ՞ պիտի վախճամ ես: Տէրն է կեանքիս ապաւէնը,
որմէ՞ պիտի դողամ: (Սղմ. 26.1): Հետեւաբար սիրելի ընթերցող դժուարութեան
մէջ ե՞ս մի մտածէր, դիմէ անմիջապէս Աստուծոյ եւ վստահ գիտցիր, որ Տէրը ան-
պայման պիտի լուծէ հարցդ, եւ քեզմէ պիտի հեռացնէ թշնամին: ՄԻ ՎԱԽՆԱՐ
ԱՅԼ ՄԻԱՅՆ ՈՒ ՄԻԱՅՆ ՀԱԻԱՏԱ՛ ՈՒ ԱՊԱԻԻՆԻՐ ԱՍՏՈՒԾ ՈՅ:**

ԵՍԱՅԻ ՄԱՐԳԱՐԷԻ ԳԻՐԲԷՆ
24.1-14



5.15-33

Ահա Տէրը պիտի կործանէ եւ ւաւերէ ամբողջ աշխարհը, տակնուվրայ պիտի ընէ աշխարհը եւ պիտի ցրուէ անոր բնակիչները:

Այ կարելի պիտի չըլլայ գանազանել, որն է աշխարհականը եւ որը՝ քահանան, ով է ծառան եւ ով՝ տէրը, ով է աղախինը եւ ով՝ տիկինը, ով է գնողը եւ ով՝ ծախողը, ով է փոխ տուողը եւ ով՝ փոխ առնողը, ով է պարտատէրը եւ ով՝ պարտապանը:

Երկիրը ամբողջութեամբ պիտի կործանի, պիտի յափշտակուի եւ ւաւերուի: Ահա Տէրը ինձ այս բաները կը յայտարարէ:

Երկիր՝ իր կործանումը կը սգայ, աշխարհ՝ իր կործանումն ու ւաւերը: Աշխարհի դեկավարները նոյնպէս կը սգան, որովհետեւ աշխարհը անօրէն մարդոցմով լեցուեցաւ, որոնք Տիրոջ Օրէնքը ոտնակոխ ըրին, անոր պատուիրանները փոխեցին եւ անոր հետ կնքուած յաւիտեանական Ուխտը չյարգեցին:

Այդ իսկ պատճառով, Աստուծոյ նզովքը պիտի հարուածէ երկիրը, որովհետեւ անոր բնակիչները մեղանշեցին. մարդիկ թշուառութեան պիտի մատնուին, եւ շատ քիչ պիտի ըլլան հարուածէն ազատածները:

Գինին խմող պիտի չունենայ, այգին՝ քաղց: Խրախնամքը հառաչանքի պիտի փոխուի, ուրախ թմբուկները պիտի լռեն, ամբարիշտներու սնապարծութիւնն ու հարստութիւնը վերջ պիտի գտնեն, քնարներու ձայնը պիտի դադրի:

Մարդիկ ամօթով պիտի մնան, գինին պիտի չկարենայ զիրենք ուրախացնել, եւ օդին լեղի պիտի թուի խմողներուն:

Հետեւաբար ձեր ապրելակերպին ուշադրութիւն ըրէ՛ք: Մի՛ ապրիք անմտօրէն, այլ՝ իմաստուններու պէս: Օգտագործեցէ՛ք ժամանակը, որովհետեւ այս օրերը չար են: Ուստի անմտութիւն մի՛ ընէ՛ք: Հասկցէ՛ք, թէ ի՞նչ կ'ուզէ Տէրը ձեզմէ: Գերին մի՛ դառնա՛ գինիին, որ անառակութեան կը տանի. այլ՝ մասնաւորաբար Սուրբ Հոգիով լեցուեցէ՛ք, իրարու հետ սաղմոսներով, օրհնութիւններով ու հոգեւոր երգերով խօսեցէ՛ք, եւ ձեր սիրտերուն մէջ միշտ երգեցէ՛ք ու սաղմոս ըսէ՛ք Տիրոջ: Միշտ, ամէն բանի համար շնորհակալութիւն յայտնեցէ՛ք Հօր Աստուծոյ, մեր Տիրոջ Յիսուս Քրիստոսի անունով:

Քրիստոսի հանդէպ ձեր պատկանա՛քը արտայայտեցէ՛ք իրարու հնազանդելով: Կիներ, հնազանդեցէ՛ք ձեր ամուսիններուն, ինչպէս Տիրոջ պիտի հնազանդէիք. որովհետեւ ամուսին մը իր կնոջ գլուխն է, այնպէս ինչպէս Քրիստոս գլուխն է եկեղեցիին՝ իր մարմնին, որուն փրկիչն է ինձ: Հետեւաբար, ինչպէս եկեղեցին Քրիստոսի կը հնազանդի, այնպէս ալ կիները ամէն բանի մէջ իրենց ամուսիններուն թող հնազանդին:

ՍՈՒՐԵՐ ԵՒ ՏՕՆԵՐ
ԳԱՐԻԷԼ ԵՒ ՄԻՔԱՅԷԼ
ՀՐԵՇՏԱԿԱՊԵՏԵՐԸ

Հրեշտակապետեր Գարրիէլի եւ Միֆայէլի տօնը ըստ մեր եկեղեցւոյ տօնացոյցին կը զուգահդիպի Շաբաթ, 10 Նոյեմբերին: Եկէ՛ք միասնաբար ծանօթանա՛ք հրեշտակ բառի իմաստին եւ ապա հրեշտակապետերու:

Հրեշտակ բառը կը թարգմանուի պատգամաւոր կամ դեսպան: Հրեշտակները սահմանուած են սպասաւորելու հոգիներու փրկութեան այն մարդոց, որոնք պիտի ժառանգեն երկինքի արքայութիւնը:

Թէեւ Աստուծոյ առջեւ ծառայակից ենք հրեշտակներուն հետ, սակայն մեծ է տարբերութիւնը մարդոց եւ անոնց միջեւ:

Ինչպէս սուրբերուն միջեւ կան աւելի վաստակաւորներ, նոյնպէս եւ հրեշտակներու դասերուն մէջ: Անոնցմէ ոմանք ծանօթ են մեզի իրենց անունով եւ կը տօնախմբենք իրենց յիշատակը:

ԳԱՐԻԷԼ հրեշտակապետը, որ կը թարգմանուի Աստուծոյ մարդ՝ երկինքի բոլոր հրեշտակներէն աւելի ծանօթ է մարդկային ցեղին: Ան յաճախ պատգամաւորութեամբ հանդէս կու գայ Հին թէ Նոր Կտակարաններուն մէջ, որպէս գործակալ կամ դեսպան երկնաւոր Փեսային:

ՄԻՔԱՅԷԼ հրեշտակապետը ներկայացուած է, որպէս երկնային զօրավար եւ միանգամայն, վերակացու ու պաշտպան Աստուծոյ եկեղեցիին: Երբ Մեծն Կոստանդիանոս իր դարձէն ետք բազմաթիւ եկեղեցիներ շինել տուաւ, ասոնց շարքին հռչակաւոր եղաւ Ս. Միֆայէլ հրեշտակապետի տաճարը:

Ըստ աւանդութեան, բարեպաշտ կայսրը Սուսեմիոնի մէջ գտաւ արձան մը, որ կը ներկայացներ արծիւի թեւերով այր մը: Երբ կայսրը հարցուց, թէ որո՞ւ արձանն էր ան, Միֆայէլ հրեշտակապետը անոր երեւցաւ եւ ըսաւ, որ հոն տաճար մը կանգնէ, որպէսզի հաւատացեալներուն համար ուխտատեղի մը ըլլայ եւ այդտեղ երկնային բարեխօսութիւն գտնեն իրենց հոգեւոր եւ մարմնաւոր կարիքներուն համար:

Յայտնաւորմանը կը գրեն, թէ երբ առաջին անգամ պատարագ պիտի մատուցուէր Ս. Միֆայէլի անունով կառուցուած եկեղեցիին մէջ, ի ծնէ խուլ եւ համր պատանի մը կանխեց սարկաւազը եւ բարձրաձայն ըսաւ. «Պոսիտումէ», որ կը նշանակէ գգոյշ եղէ՛ք: Եւ ապա սուրբ հայրապետը ըսաւ. «Ի սրբութիւն սրբոց»:

Ներսէս Շնորհալի իր եղբօր՝ Գրիգորիս կաթողիկոսի խնդրանքով, 100 տուն ոտանաւոր գրեց՝ նուիրուած պանծալի հրեշտակներուն:

ՈՐԵՒԷՆԻ ՄՏԱԻՈՐԱԿԱՆ ԱՇԽԱՏԱՆՔ ՍԿՍԵԼԷ ԱՌԱՋ
Գրաբար
Իմաստուէթիւն Հօր, Յիսուս, տո՛ւր ինձ իմաստուէթիւն՝ զբարիս խորել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա՛ զիս: Եւ ողորմեա՛ քո արարածոցդ, եւ ինձ՝ բազմամեղիս:
Աշխարհաբար
Ով Յիսուս՝ Հօրը իմաստուէթիւնը, իմաստուէթիւն տու՛ր ինձի, որ բարի բաներ խորհիմ, խօսիմ եւ գործեմ քու ներկայութեանդ, ամէն ժամ. չար խորհուրդներէ, խօսքերէ եւ գործերէ փրկէ՛ զիս: Եւ ողորմէ՛ քու արարածներուդ եւ ինձի՝ մեղքերու մէջ կորսուածիս:
Ս. ՆԵՐՍԷՍ ՇՆՈՐՀԱԼԻ